



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memoræ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

continens Impedimenta Et Adjumenta Æternæ beatitudinis

**Dirckinck, Johann**

**Coloniae Agrippinae, 1713**

27. Medium XIV. Expugnatio æternitatis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)

## CONSIDERATIO XXVII.

Medium XIV. Æternæ Salutis.

Expugnatio æternitatis.

*Regnum calorum vim patitur, & violenti rapiunt illud. Matth. c. 11. 12.*

18. Decembris.

CONsidera Christianum quemlibet, Christi Regis & Imperatoris nostri militem esse; qui sub labaro crucis eius, sacramentum dixit; ejusdemque exemplo, pro expugnando beatæ æternitatis regno, totâ vitâ pugnare debet. Pugnandum verò illi est, non segniter, non somnolentè; sed cum vi & violentia; idque variis de causis. Causa I. est Dei ordinatio & voluntas sanctissima; ut regnum illud æternum, revera magnum, omnique bono plenum nimis; atque adeò omni labore & conamine dignissimum, non nisi per merita, per certamina, laboresque proprios, cum gratia Dei obitos, ab omnibus adultis & rationis competentibus obtineatur. Juxta Christi dictum *Regnum calorum vim patitur & violenti rapiunt illud. &c.*

N 6

U.

II. Pugnandum est pro regno cælorum cum vi & violentia II. Exemplo militum hujus mundi. Perpendamus obsecro, quid non moliantur hodie, pro regno Hispaniæ vel Germano, vel Gallo capiti asserendo, gemini exercitus? Quot armatorum millia in campum ducuntur? Quod committuntur proelia? Quot urbium, arciumque oblidiones tentantur? Quot hominum millia trucidantur? Et hoc pro regno terreno, paucis annis possidendo. Quid igitur nobis præstandum, quid aggrediendum, quid patiendum, quomodo pugnandum, pro regno cælorum, sine fine retinendo? Regni terreni & cælestis, regni finiti & infiniti, quænam comparatio? Israel: quàm magna, quàm speciosa, quàm immensa est Domus Dei nostri: cuius fundamenta montes sancti: cuius altitudo Deus: cuius longitudo æternitas; cuius latitudo immensitas, cuius profundum incomprehensibilitas! ô si te cognosceremus, quàm strenuè pro te dimicaremus?

III. Pugnandum est pro regno cælorum

rum, cum vi & violentia. III. Exemplo  
 filiorum hujus sæculi: si enim hi, pro ali-  
 qua pecunia, pro vana gloria, pro volup-  
 tatis brevis illecebra, aliisve rerum cadu-  
 carum quisquiliis, non dubitant tantos  
 suscipere labores, sudores, incommoda,  
 pericula, vulnera, mortes: imò si Filii te-  
 nebrarum, sive reprobi, pro regno Lu-  
 ciferi, pro damnatione æterna sibi accer-  
 enda, infinitas, gravissimasque ærum-  
 nas, æternâ demum calamitate certo cer-  
 tuis concludendas, avidis & inexpletis  
 faucibus exhauriunt: quid obsecro fa-  
 cient Filii lucis, filii sapientiæ, filii Dei?  
 An hi pro regno æternæ beatitudinis,  
 pro immensis Dei bonis, cum ipsomet  
 Deo, æternum possidendis, pigritiâ &  
 languore obleti, momentaneum & leve  
 tribulationis, laborisque subire ac susti-  
 nere reformidabunt?

*Apostrophe.*

O Regnum æternum! O beatitudo  
 cælestis! tu, utut felix es, hoc solo  
 infelix & parùm beata es, quòd tanta li-  
 cet sis, quanta revera es; quam nec ocu-

300 *Domus aternitatis. Consideratio*  
lus vidit, nec auris audivit, nec cor ho-  
minum apprehendit, multoque minus  
comprehendit; licet etiam tanta esse fide  
certa credaris; tamen a plerisque, non  
infidelibus tantum; sed plane fidelibus,  
contemneris, despiceris, procrastinando  
luderis; leviculis, rediculisque operibus,  
quaeri potius fingeris; quam sedulo &  
ex animo re ipsa quaeraris. O ubi cona-  
tus? Ubi vis? ubi violentia, qua rapiaris!  
Nonne verè edixit Orator aureus *Reg-  
num Deus pollicetur & contemnitur: ge-  
hennam ministrat Diabolus, & honoratur?*  
Hom. 29. ad pop.

19. Decembris.

I. **P**Ugnandum IV. pro regno celo-  
rum, cum vi et violentia, exemplo  
Christi Ducis & Archistrategi nostri.  
Perpende quaeso, quo ardore, qua vi  
violentia ipse caelum expugnarit. Nonne  
per persecutiones & exilia, per funes &  
vincula, per alapas & falsa testimonia,  
per sanguinem & vulnera, per spinas &  
flagella, per clavos & crucem, ipsamque  
mortem ignomina & dolore pleni-

mam? Nonne hæc oportuit pati Christum  
 & ita intrare in gloriam suam? Lucæ c.  
 24. 26. Sic ille debuit intrare in gloriam  
 suam, sibi que ut filio Dei debitam: & nos,  
 ut eandem minimè nobis debitam, ac-  
 quiramus, otia bimur, & velut ignavi mi-  
 lites, campum, labores, sudores, pugnas  
 que detrectabimus?

II. Pugnandum V. cum vi & violen-  
 tia, pro regno cælorum, exemplo Magni  
 Præcursoris Domini, S. Joannis Bapti-  
 stæ, de quo legimus: *A diebus autem Jo-  
 annis Baptista regnum cælorum vim pati-  
 unt, & violenti rapiunt illud.* Matth. c.  
 11. 12. Ille in utero materno, sanctitatis  
 dono illustratus; ille, quo inter natos mu-  
 lierum, major non surrexit: ille Ange-  
 lus, ille Propheta, ille prædicator pœni-  
 tentiæ, ille continuum quasi prodigium  
 in conceptione, in Nativitate, in vitæ  
 austeritate; ille ut inquit S. Petrus Chry-  
 sologus serm. 27. *Schola virtutum, ma-  
 gisterium vitæ, sanctitatis forma, norma  
 iustitiæ, virginitatis speculum, castitatis  
 exemplum, vox Apostolorum, silentium  
 Prophetarum, lucerna mundi, Præcursor  
 Chri-*

302 *Domus aternitatis. Consideratio*  
*Christi, Metator Domini*, silvestrimelle  
& locustis vescitur, lymphæ haustu po-  
tatur; cameli pelle vestitur, in eremo  
commoratur, humi cubando somnum  
capit, verbo & exemplo pœnitentiam  
prædicat, regnumque cælorum vi ex-  
pugnandum suadet: & nos mille crimi-  
nibus obnoxii, segnitie, commoditate,  
indulgentia, otio rerum abundantia,  
magnaque vitæ licentiâ, illud obtine-  
dum censemus?

III. Regnum cælorum VI. cum vi &  
violentiâ expugnandum est exemplo  
Sanctorum Apostolorum ac Martyrum,  
strenuè adeò & indefessè pro eo decer-  
tantium. Quàm generoso animo S. Pe-  
trus cruce, S. Paulus gladio, S. Jacobus  
fulste, S. Matthias securi, S. Stephanus la-  
pidibus, S. Ignatius leonibus, dimica-  
runt, cœlumque feliciter expugnarunt.  
Quantâ fortitudine & constantiâ, Sancti  
Ecclesiæ Doctores, Confessores, Eremi-  
cultores, Virgines, laboribus apostoli-  
cis, jejuniis, virgiliis, eleemosynis, oratio-  
nibus assiduis, aliisque pœnitentiæ  
mortificationis armis cœlum debet

unt? Et nos delicatuli, carnem palpan-  
do, genio indulgendo, cuticulam curan-  
do; sensuum; oblectamentis nihil de-  
negando, super astra nos elevandos, cer-  
to confidimus?

*Excitatio.*

**E** Ja igitur, milites Christi, ad arma,  
ad arma! aut vincendum vobis, aut  
moriendum est. Quare pugnate strenuè,  
aspicientes in authorem fidei Jesum, ac  
Ducem nostrum. Pugnate exemplo Præ-  
cursoris Domini, Sanctorum Apосто-  
lorum, Martyrum, aliorumque sancto-  
rum, verbo & exemplo vos ad certamen  
animantium. *Non est ad astra, mollis è  
terris via.* Per saxa, per ignes, per hostes  
& hastas ruendum est, atque ita Domino  
regnum, thesaurus, vita que beata, quasi  
eripienda. Pulchrè S. Ambrosius serm. 5.  
*Aggredimur in itinere Dominum ( siqui-  
dem ipse est via ) & more latronum, suis  
cum spoliare nitimur, cupimus illi auferre  
regnum, thesauros & vitam: sed ille tam  
dives & largus est; ut non abnuat, non resi-  
stat, & cum omnia dederit, nihilominus  
omnia possideat.*



20. *Decembris.*

I. **Q**uanquam Christianis pugnan-  
 dum est, & quidem fortiter ac  
 generosè: nemo tamen in hoc spiritu-  
 li certamine animum despondeat, pater-  
 ve, cum Tyrannis ac tortoribus sibi fru-  
 eorum prælium: Non hodie dum cor-  
 natur athletic caput coronâ spineâ, ut  
 contigit decem millibus Martyrum cro-  
 cifixorum sub Maximino: non pruna  
 imponuntur capiti, ut S. Probo: non  
 compunguntur oculi, ut S. Victori: non  
 ignitæ subulæ immittuntur in aures, ut  
 S. Aquilinæ: non plumbum in os infun-  
 ditur, ut S. Moniati militi: non maxilla le-  
 pidibus contunduntur, ut S. Adriano: non  
 clavi pedibus infiguntur, ut S. Georgii  
 Martyri: nec cum S. Thecla leonibus con-  
 jicimur, nec urfis, tigridibus, Leopardis  
 Serpentibus, ut alii innumeri: Non igi-  
 tur contra Tyrannos ac tormenta dimi-  
 candum modò est; sed contra Mundum  
 Carnem, Diabolum, eorumque tentati-  
 nes cum vi & violentia decertandum.

II. Quibus verò modis, quibusve

mis contra hos adversarios in arenam  
 descendendum est? Contra mundi su-  
 perbiā, animi demissione, contra car-  
 nis illecebras, jejunio & rigore; contra  
 Diabolum oratione & resistendo: *Resisti-  
 te Diabolo & fugiet a vobis.* Jacobi ep.  
 c. 4. 7. Sed quā Cælo ac Deo vis inferen-  
 da? Declarat hoc S. Ambrosius L. 5. in  
 Lucam & serm. 5. *Vim, inquit, facimus  
 Domino non compellendo; sed flendo: non  
 provocando injuriis; sed lacrymis exoran-  
 do; non blasphemando per superbiam; sed  
 per humilitatem mœrendo.* O beata vio-  
 lentia, quā non indignatione percutitur,  
 sed misericordiā condonatur! Beata, in-  
 quam, violentia, quæ vim patienti, boni-  
 tatem elicit, & utilitatem tribuit inferenti.  
 Mala res admittitur, & de injuria nemo  
 causatur; vis admittitur, & religio propa-  
 gatur: quisquis enim violentior Christo fue-  
 rit; religiosior habebitur à Christo.

III. Quā verò ratione regno cælo-  
 rum, ac Deo ipsi vis quodammodo infe-  
 rat; ulterius declarat idem S. Ecclesiæ  
 Doctor l. c. *Aggredimur illum non ferro,  
 non fuste, non saxo; sed mansuetudine, bo-  
 nis*

nis

306 *Domus eternitatis. Consideratio*  
*nis operibus, castitate. Hec sunt arma fidei*  
*nostra, quibus in congressione certamus.*  
*Ut autem his armis uti, in vi inferenda,*  
*possimus; antè corporibus nostris vim quo-*  
*dammmodo faciamus; expugnemus membro-*  
*rum vitia, ut virtutum premia consequa-*  
*mur: prius enim ipsi regnare debemus in*  
*nobis, ut regnum possimus diripere Salva-*  
*toris. Magno quippe animo domanda*  
*sunt vitia, superandæ tentationes; vincen-*  
*dæ persecutiones atque adversitates, ac-*  
*quirendæ virtutes: hoc modo vi & vio-*  
*lentiâ regnum cælorum, invadimus, ex-*  
*pugnamus, occupamus ac possidemus.*

*Colloquium.*

**O** Anima mea! erubescere ac pudore  
tota suffundere ob ignaviam tuam  
non exigitur à te mors dira & marty-  
rium; sed mortificatio vitiorum, & ope-  
rum bonorum exercitatio. Animos igitur  
novos indue, & vim cælo infer, non  
ferro ac fuste; sed humilitate; sed casti-  
tate, mansuetudine ac fortitudine. Cum  
verò ex te id nequeas, opem flagita, ad  
Dominum clama: Domine ad auge-  
mentum

me fidem, adauge spem, adauge charitatem, desiderium & æstimationem regni cœlestis: sed & simul auge conatum, auge studium, auge robur, auge sapientiam, fortitudinem & perseverantiam, ad pugnam, ad patiendum, ad laborandum & si opus, ad moriendum pro vita æterna: nam si oportuit pugnare, agere & pati Christum, omnesque Sanctos, atque ita occupare cœleste regnum: quid mihi servorum indignissimo faciendum incumbet?

### CONSIDERATIO XXVIII.

Medium XV. Æternæ Salutis.

Solacium beatæ æternitatis.

*Fortissimum solacium habeamus, qui confugimus ad tenendam propositam spem.*

Ad Hebr. c. 6. 18.

21. Decembris.

**C**onsidera, æternitatem beatam homini Christiano esse solacium *in vita, in morbo, in morte*: ratio est quia est merces magna nimis. Et quidem I. Æternitas beata est *solacium in vita*. In qua